

經律異

相


籍

牙  
三十七

倍七

四百四十二

51123



Vertical seal impression with Chinese characters, likely reading '上海图书馆藏' (Shanghai Library Collection).

梁沙門僧旻寶唱等集

婆塞部

沙門億耳入海見地獄一

優婆塞持戒鬼代取花二

優婆塞為王厨使被逼殺害指現師子三

優婆塞被魔試四


清信士嫁女與事鬼家五

清信士始精進未懈後生慚愧鬼不

能害六

清信士臨亡夫妻相愛生為婦鼻中

蟲七



僞



薄拘羅持戒得不死報

持戒誦經續明供養鬼不能害九

執持求還佛戒口中諸鬼出打其身十

人不信罪福夢鬼取之令其戒後壽

百年十一

家有六人割尸施僧同受富樂十二

有人路行遇見三變身行精進十三

有人命終十日還生迷所經見十四

沙門億耳入海見地獄一

阿濕摩伽阿槃地國有聚落王名薩薄中有

大富居士財寶豐盈唯無兒息從諸神祇求

不能得育子時到婦覺有娠此女利根有四

不共智一知男愛二知男不愛三知妊身時  
四知所從得以語居士居士歡喜月滿生男  
耳有金鑲是兒端正見者歡喜集婆羅門相  
之言是兒實有福德威力爲作二字宿世出  
家即名曰沙門耳環非世所作可直一億字  
爲沙門意耳五種養規一者治身母二者  
垢母三者乳母四者吉母五者戲笑母是兒  
福力而疾長大便教書數筭印善知諸物價  
相貴賤是王聚落商客所集時四方人來詣  
聚落問言是中阿誰有好德可與寄言亦我  
利害諸人亦沙門億耳是諸商客即往詣之  
接爲主父是諸商客見大威力如是思惟若



作薩薄將多人入海必安隱歸諸人言沙門  
億耳汝何以不入大海荅言我入大海作何  
等是中多諸恐怖百千人去時一得還是諸  
商客激勵之言何等人仰他活命沙門億耳  
信受欲去到父母所辭欲入海時父母說諸  
怖事欲令變悔以制留之時不隨父母語父  
母語貴人佐我留億耳時諸大官長者居士  
皆助留之終不隨從父母知其意正則聽今  
去於是乘象震鈴遍告令聚落言沙門億耳  
欲入大海我作薩薄誰欲共去是人福德五  
百商客皆悉樂從莊船下水日斷一繩至第  
七日得伊勒風

梁言隨  
好風

斷第七繩船疾勝箭

經到寶渚語諸賈客言取寶滿船莫今大重  
得伊勒風是時船去疾疾勝箭還閭浮提向薩  
薄王聚落有二道沙門億耳語諸商人欲從  
何道諸人咸言陸道去好夜住空澤語諸商  
人我曾聞賊來劫諸賈客若前殺薩薄則諸  
賈客無所成辦若不殺薩薄則以錢物力若自  
身力若以他力必能得賊我當餘處宿去時  
當喚我諸人言尔億耳驅驢往別處宿是諸  
賈客夜半發去人人相覺竟不喚億耳後夜  
天大風雨億耳覺喚既無應者即時馳逐道  
多沙土風雨流漫仰驢嗅跡而前億耳飢極  
前行見有一城念想得食立於城門隨念失



耳唱言食食時無數百千餓鬼來出皆言何等食阿誰與億耳言無食我行飢極念想得食因出此言我無食也諸餓鬼言此是餓鬼城我百千万歲今日乃聞唱食聲我等不布施慳悋多故墮餓鬼中汝欲那去億耳言欲至薩薄王聚落鬼言從是道去於是前行復見一城隨念唱水其事如前前行不久復見一樹名波羅夜於下坐搖樹落葉細者自食麁者與驢如是日暮即有牀出男女顏白端正著天寶冠共相娛樂作是思惟我不應尔看他私事時夜過晝來即時牀滅有狗來噉是身子肉盡骨在億耳念言是人先作何行今



得此報夜善晝惡我待問之。至夜更有好床  
男女娛樂即往問之。男言汝識阿濕摩阿伽  
槃地中薩薄王聚落某甲屠兒不有長老迦  
拏延常出入我家我常供給飲食衣藥彼常  
語我言莫作惡行後得大苦我時荅言先世  
已來此以爲業今若不作那得自活拏延復  
言汝作此惡爲晝多夜多我言晝多即語我  
言汝夜受五戒可獲微善我即從受今得此  
報前行不久復見二樹名波羅住下止宿食  
葉如前男女晝來相娛暮則床女皆滅百足  
虫出噉是男子肉盡骨在億耳問言汝作何  
行今獲此報男言阿濕摩伽阿槃地國中薩

薄王聚落某甲男子姪犯他婦有長老迦旃  
延出入我家彼教我言莫作惡行後得苦報  
我答言不能自抑當可如何復語我言汝於  
此事何時偏多我言夜時多迦旃延即語我  
言受晝五戒可獲微善我用其言故獲斯報  
復見樹林池水清淨億耳於中洗浴飲驢是

池邊有堂衆寶莊嚴億耳仰視即作是念我  
飢渴欲死當何所在即使上堂說佛經偈

飢爲第一病 行爲第一苦 如是知法實

涅槃第一樂

上堂見女人坐象牙床床脚繫二餓鬼是女  
識億耳因問評言沙門億耳道路不極不渴



飢耶億耳荅言貴女乞我食女言相與但莫  
與是二餓鬼耳女即與水洗手與食是女欲  
令億耳知此因緣故小出堂外時二餓鬼伸  
手言乞我一口乞我半口我即腹中飢如火  
燒億耳好施各與一口變成膿血多咽還吐  
出皆臭穢女言我語汝莫與何以與之億耳  
言姊妹我不知故與時更有一女來語貴女  
與我食女言食汝常食作是語已即有三竒  
鑊火湯沸是女脫衣入鑊中皮肉爛盡唯有  
骨髓冷風來吹出鑊還活著衣噉其爛肉噉  
已而去更有女來言貴人與我食女言食汝  
常食作是語竟女變成羖羊噉草億耳語女

是何等事。女言：汝識阿濕摩伽阿槃地國中  
薩薄王聚落不億耳。言識是一鬼繫我頭邊  
床脚者。是我夫某甲居士繫我脚邊床脚者。  
是我兒有長老迦旃延出入我舍受我供養。  
衣服湯藥。是二人瞋我言我覓時辛苦而汝  
持與他。空自疲勞。以是慳貪不喜布施墮餓  
鬼中。惡口業故與食變為膿血。億耳言是女  
何以自噉其肉。女言是我兒婦與物。今舉或  
自噉或與人噉。我問覓答言我不噉亦不與  
他。若我自噉及與他者當自噉。我肉故自噉。  
肉第二女是我婢。我使舂磨或自噉或與他  
若問時言我不自噉不與他。若自噉與他者。



我後世當作羊噉草以是因緣今作殺羊噉  
草億耳言汝作何行女言我有少罪來生是  
中當不久住生四天王天汝能少爲我往薩  
薄王聚落中爲語我女去見汝父母兄夫婦  
及婢唯汝母獨受福餘者受罪汝母因我語  
汝莫作惡事後世多受苦報汝若不信是汝  
母言某處有藏大有錢財取爲我作福供養  
衆僧及迦旃延殘餘可以自活問億耳言汝  
欲去耶荅言欲去女言汝眠閉眼須臾至薩  
薄王聚落是諸賈客先到諸人問言見沙門  
億耳不荅言海中失之舉邑皆哭如喪父母億  
耳聞之若今見我必復擾動不須復歸漸漸

到女舍共相問訊以母言語女女言咄男子汝  
癡狂人我父母布施作福死必生天何以在  
餓鬼中億耳即語女言汝母言某處有藏大  
有錢物使汝取供養女聞開藏大得錢財得  
以生信如其母勅請迦拏延隨從說法即於  
座上得諸法清淨無垢法眼得無所畏禮迦  
拏延言大德我歸依三寶作優婆塞欲於善  
勝法中出家受具足迦拏延言父母聽汝出  
家不荅言未聽迦拏延言我法父母不聽不  
得出家受具足即便歸家禮拜父母父母先  
由愁苦故並失明聞億耳從大海中安隱還  
歸悲喜淚出眼便還明過五六日白父母言



聽我出家父母言我本至心求願得汝汝入  
大海得死消息愁憂故眼盲汝今來還我大  
歡喜眼得開視汝今便為更生汝受我語則  
為供養我我壽命能過幾時若能畢我等壽  
不出家者我死不恨億耳荅言諾

出十誦律四  
誦第四卷

優婆塞持戒鬼代取花二

昔有優婆塞僑居舍衛國婦形端正一國同  
聞朋友欲觀終不肯示人以白王王思欲見  
不知何由一臣啓言夫婦並持五戒供養道  
士手自斟酌王可詐作道士持鉢詣門必得  
見之即隨臣言權變形服竊到其家婦見道  
士頭面作禮王觀察已還語臣等此婦實好

入我心中不知何從得之衆臣白言此雖僑  
士應覲於王僑慢不來可以爲罪去舍衛城  
千有餘里大池水中生五色蓮華間有三難  
蝮虵鬼神惡獸罪應死者使往取華輒沒於  
彼王便呼問言卿何等人再拜荅曰大王民  
也王言何以不來荅曰愚癡不及耳自知有  
罪王言罰卿詣池取華七日當還若違期至  
當重治卿受教辭退還具告婦婦語夫言君今  
有罪由我美色君識佛明教三界無怙唯戒  
可恃上道之日心念三尊口誦十善莫忘須  
臾若君不還吾當出家以戒自樂不經二男  
給夫資糧辭決進路行至半道有噉人鬼問



曰何人荅言是佛弟子鬼言諸犯罪者遣付  
吾等詐言取華賢者實不犯罪為惡人所讒荅  
鬼言人命難得唯在大神耳鬼言卿是佛弟子  
又復無罪我不相害也餘有二難恐卿不免  
當如之何鬼復言曰相代取華以濟卿身使  
我長夜得福無量卿急住此間鬼於是去須  
臾便還五色好華百重而至以與賢者賢者  
重不能舉鬼便取華并扶賢者屈伸臂頃已  
到宮門辭別而去賢者詣門自通王恠還速  
具問本末如實自陳王大驚慙曰鬼無人義  
害於衆生今濟善人我乃無義不別善惡不  
如鬼魅即自責過誓首歸命願為弟子奉受

五戒廣行六度國致太平賢者夫婦并加精

進得不退轉出譬喻經第五卷

優婆塞為王廚吏被逼殺害而指現師子三

佛泥洹後百年國王奉事天神大祠祀用牛

羊豬犬雞等各百頭皆使廚士殺之時廚士

言我受佛戒不得殺生廚監大恚白王治之

王言違教者死廚士對曰我是佛弟子受持

五戒寧自殺身不違佛教而當殺生若當從

王教犯殺者死入地獄罪竟乃出常當短命

持戒死者即生天上天上福樂所願自然縱

令當死轉此人身當受天形我以是故死不

殺耳王言與汝七日期當以象踏殺汝若不



死者汝語有實七日已後王看是優婆塞身  
如佛身驅五百象往蹈殺之優婆塞如佛法  
則舉五指化爲五山一山間有一師子出  
象見師子惶怖伏地如佛在時王時信佛便  
廢祠祀即從此士受佛五戒吏民內外皆亦  
受法遂爲國師

出譬喻經  
第六卷

### 優婆塞被魔試四

有一優婆塞與衆賈客遠出治生遇天寒雪  
夜行失伴住一石室時有山神變爲女像來  
試之曰白雪覆山地鳥獸皆隱蔽我獨無所  
恃唯願見愍傷優婆塞兩手掩耳曰無著弊  
惡人說此不淨語水漂火焚之不欲見聞汝

有婦心不欲何況作邪姪欲樂情淺薄大苦  
可畏深山神聞之兩手擎捧送至伴中

出大智論

第十卷

清信士嫁女與事鬼家五

優婆塞嫁女與世間人臨遣女時父母欲奪  
女戒女言云何奪戒父母言法家女與世俗

人如黃金擲牛屎中復用戒爲女言如人遠  
行大空澤中無有人民應益裝糧食世家事  
鬼恐鬼儻得我便應益持戒令志堅固黃金  
在牛屎中洗自可用豈便與牛屎同耶父母  
感其言以佛像與之女致嚴器中朝暮向器  
作禮壻問婦答是佛能令頭不白顏色常好



1  
墮同供養後同生天上不更三塗

出第十卷譬喻經第五卷

清信士始精進末懈後生慚愧不能害六

昔有清信士始受戒時精進少雙後年衰老

違遠賢衆獨處山岨志更凌遲荒于田園志

佛廢法更成凡夫其山中有梵志道士渴欲

求飲田家事違無與之者梵志有怨遂尔恨

去梵志能起死人并使鬼神即召殺鬼勅之

曰彼人辱我尔往殺之山中有羅漢知之往

至田家田家見沙門欣然稽首爲設一食沙

門曰汝今日夕早然燈勤三自歸誦戒守口

攝意慈念衆生可長安隱沙門去後主人

如教通曉念佛誦戒不休殺鬼至曉同其微

1  
尤欲以殺之覩彼慈心無緣殺焉鬼神之法  
人今已殺已便欲殺但彼有不可殺之德法  
當還殺使已殺者鬼乃恚欲害梵志羅漢以  
威神蔽之令鬼不見田家悟道梵志得活鬼  
遂不獲殺生之罪田家一時受三白歸念佛  
不懈全一門之命

出墮落優婆塞經又出  
十卷譬喻經第五卷

清信士臨亡夫妻相愛生為婦鼻中蟲七  
有清信士持戒精進不懈有一沙門已棄重  
擔生死永盡逮得神通與共親友時清信士  
卒得困疾醫藥不治婦大悲苦謂其夫言共  
為夫婦卿獨受苦以何方便分病令輕設卿  
無常我何所依兒子孤單復何恃怙夫聞益



懷愛戀大命將至應時即死魂神即還在婦  
鼻中化作一蟲婦大啼哭不能自止時道人  
往與婦相見故欲諫喻令損愁憂婦見道人  
來益用悲慟柰和尚夫婿已死蟲從鼻涕  
忽然墮地婦即慚愧欲以脚踏道人告曰止  
止莫殺是卿夫婿化作此蟲婦曰道人我夫  
奉經持戒精進難及何緣壽終轉形作此道  
人荅曰過起愛戀今生爲蟲道人爲蟲說經  
卿精進奉經持戒福應生天見諸佛但坐恩愛  
戀慕之想墮此蟲中即可慙愧蟲聞意解便  
自剋責俄而命終即得生天出居士物故  
爲婦鼻蟲經  
薄拘羅持一戒得五不死報八

昔有一人唯有一兒名薄拘羅年始七歲其  
婦命終更取後妻憎前婦子甑中爇麩兒問  
母索母抱放甑中以盆合頭欲令兒死兒於  
甑中食麩不死後復抱置熱鐵鏹上於鏹食  
麩不以為夭後詣河邊浣衣擲深水中為魚  
所吞經于七日父請眾僧為設大會買得一

魚車載歸家欲破魚腹兒言徐徐莫傷兒頭

此兒先受不殺一戒今得五種不死

出譬  
喻經

持戒誦經續明供養鬼不能害九

昔有兄弟五人父教持戒大兒獨不肯持戒  
賣五枚錢至相師請求相師言年可百歲當  
大富貴又言定惡復言不好剋後十三日卿



當死亡其人大怖言非是世間常師所能療治唯有佛預知未然近在耆闍崛山中可往問之於是即往問佛佛言卿有宿命對怨家欲來取卿卿若欲得免者當持五戒乃可得脫卿歸益辦脂燭焚之過十三日即受歸戒然燈續明終日竟夜諷誦經咒言南無佛歸命

佛慎莫休息過十三日便自得脫其夜即有二鬼往共殺之一鬼在百步外使一鬼往殺見燈火光明但聞呼南無佛歸命佛聲不敢前逆語一鬼言此人不可復得但呼南無佛歸命佛我惡聞是聲令我頭痛於是二鬼便相持走去不復近之從是已後長得安隱

諸出

經中  
要事

執持求還佛戒口中諸鬼出打其身十

昔迦羅柰國有婆羅門子名曰執持受佛禁  
戒無所違犯執持久後到他國中見人殺盜  
姪便貪愛之見人好惡便論道之見飲酒者  
便欲追之無一時定便自念言悔受戒誓當  
以還佛即詣佛所言前受五戒多所禁制不  
得從意佛法尊重非我凡類所能恭事罷可  
得不佛默然不應言已未絕口中便有自然  
鬼神持鐵椎拍執持頭復有鬼神脫其衣裳  
鉤其舌者有姪女鬼刀割其陰有鬼洋銅澆  
其口前後左右皆諸鬼競來分裂取其血肉



而噉食之。又有自然之火。焚燒其身。求生不得。求死不得。諸鬼急持。不令得動。佛見問曰。汝今云何。執持口噤。不能復言。但手自搏佛。以威神救度。長者諸鬼神王。見佛世尊。各立一面。於是得穌。便起叩頭。前白佛言。我身有五賊。擎我入三惡道。坐欲作罪。違負所受。願佛愍我。從今改往。修來奉受戒法。持月六齋。歲三長齋。燒香散華。懸幡蓋。供事三寶。不敢復犯佛言。汝今所言。是為大善。汝若眼見自作。自得。非天授與。

出大灌頂經第三卷

不信罪福。夢鬼取之。今其受戒。後壽百年。十一昔人。不信罪福。年已五十。夢見殺鬼。欲來取。

之眠覺惶怖求師占夢師作卦兆云有殺鬼  
必欲相害不過十日若欲禳此從今已去十  
日中間受佛五戒燒香燃燈懸繒幡蓋信向  
三寶可免此死即依此法專心信向殺鬼到  
門見作功德不能得害鬼即走去其人緣斯  
壽滿百歲死得生天

出雜譬  
喻經

家有六人割口施僧同受富樂十二  
昔有大富家食口六人奴婢金銀珍寶不可  
稱數佛與阿難街里分衛佛到其門父母兒  
子妻婦孫息踊躍歡喜請佛入座以毳毼布  
地食器皆以金銀佛言此人前生值飢餓世  
家中窮乏唯採諸菜用自繫命作羹適熟外



有道人分衛出見沙門父母便言我分與之  
兒子孫息各自己分與之讓母令食六人一  
時發意各一日不食唯恨家貧無好供養緣  
此之福得生天上人中常得安隱豐饒財物  
以其發意同等之故世世共作因緣今重相  
值父母兒子大小一時皆持五戒命終生天  
受福無量今若值佛皆得羅漢

出雜譬喻  
經下卷

有人路行遇見三變身行精進十三

有人在道上行見道邊有一死人鬼神以杖

鞭之行人言此人已死何故鞭之鬼神言是

我先身生在之日不孝父母事君不忠不奉

敬三寶不隨師父之教今令我墮罪而行苦

痛難言。瞋故鞭之，稍稍前行。復見一死人，天人來下，散華於死屍上，以手摩娑之。行人問言：「觀君似是天人，何故摩娑是死人？」耶荅云：「是我故身生在此日，孝從父母，忠信事君，奉事三尊，承受師父之教，令我神得生天。皆是故身之恩，是故以來之耳。」小復前行，又見一

天人，衣服鮮好，端正香潔，道邊摘酸棗，噉之。行人問曰：「覩君似是天人，何噉酸棗？」天人荅曰：「我在世時，孝從父母，忠信事君，奉事三尊，種種作諸功德，唯不喜飯飼人客。今作天人，恒食不充，是以食酸棗耳。行人一日見此三變，便還奉持五戒，修行十善，孝從父母，忠信



事君示語後世罪福追人

中諸經要事

有人命歿十日還生述所經見十四

有優婆塞本事外道厭苦禱祠委捨入佛法  
奉戒精進勤誦經好布施迕意忍辱常有慈  
心暴疾命過臨當死時囑父母言我病若不  
諱七日莫殯奄忽如死停屍八日親屬皆言  
急當殯殮父母言不胖臭欲留至十日當此  
語時便見眼開未能動搖父母歡喜守至十  
日便自起坐善能語言問所從來盡何所見  
答言有吏兵來將到一大城城中有獄獄正黑  
四面鐵城城門悉燒鐵正赤獄中繫人身坐  
火中上下炯燒青烟上出或有以刀割其

肉而噉食之獄王問我言汝何等入犯坐何等乃來到此此中治五逆不孝父母不忠信事君答言我少爲惡人所惑奉事外道愚癡又飲酒殺生祀天地又於市里採取財利升斗尺寸欲以自饒後與善師相值牽我入佛道見沙門道人授我五戒奉行十善自介以來至于今日不復犯惡仰由明王哀我不及我便叩頭王即起叉手謂我言止止清信之人不應當介便與我坐呼吏問之此乃無上正真弟子汝輩皆當從是人得度以其人壽命自盡時乃當死耳魂神追行若生天上天神迎之若生人中人中迎之何得將此人



來入是五逆之處。吏答王言：世間多有是種人，不畏王法，不畏四時五行，不拘天地鬼神，橫行天下，不可不問也。有師名沙門，既剃頭髮，被服踈陋，以是自大。多將弟子，東西南北，復大劇，是應當治之。王言：止止，法服之人，無所貴敬，他所畏難。諸釋梵日月中，王下及帝王臣民尊奉，是人得福無量。輕慢是者，自求罪苦。急案名錄，壽應盡，未吏言未應死也。尚有餘筭二十，以其先有所犯罪，是以取之。使其黨輩小小自下耳。王言：佛子，有戒精進天神所貴，佛以大慈救護一切。蚘飛蠕動天神地祇，諸鬼龍等皆敬貴之。豈拘王相四時五

行耶佛恩如四海不得限量。吏言大王奉佛戒耶。王曰：坐我不奉佛故，追罪作此獄。王若人已入正法，後悔還為外道，雖壽千歲，當逢九橫。若持戒比丘及諸弟子，當勤行六度，六衰斷絕二十事。經亦在觀佛功德，猶若巨海不可量也。吏言：誠如王言，不別真偽，速發遣之。辭謝使去，從高墮下，燿然而蘇，與其父母共至，祇洹自唯，自剋奉受五戒，修行十善。經復生

經律異相卷第三十七

傍

流漫

下莫官反

燿然

上兄反

飲驢

上於禁反



多咽於見反三琦下音奇三股上音古羖羊上音古

也春磨上詩容反僑客上音奇醕酌上音古

針音蠖上芳名伏反啖音淡讒助銜反山岨阻下

字遑音韻飯子證反瓮字盆鏊吾告反浣洧反玄伴

二也枚音梅惡聞故上反口噤下其禁反拈音拈音

反襄却而也毳毼上音衢下力也力拈音拈音

諱許謂反殞必刃反殮力焯臙上疋降反

蛸飛上紆反皆曰細微也之蠕動能動之息昌救反

虫能飛皆曰細微也之蠕動能動之息昌救反

